

P.o.germ.

2036

9

Gedichte

in

Rieser Mundart

von

Johannes Nähn.

Nördlingen.

In Commission der C. v. Schöfchen Buchhandlung.

1862.

P. o. germ. 2036 9

1. 2. 3. = 20


Gedichte

in

Nieser Mundart

von

Johannes Kähn.




Nördlingen.

In Commission der E. G. Bed'schen Buchhandlung.

1862.

9d/51/887



E. H. Bed'sche Buchdruckerei.

Subscriptions-Anzeige

und zugleich

V o r w o r t.

Es ischt iaz hear schoa viele Johr,
Hab i amol so ganz ögfohr
Gedichtla ghäart gar schöa und nett
In ösrer Sproch, grad wia mes redt.

Und weil me hot des Ding recht gfret,
So bsinn me, ob i selber net
Am End so ebbes macha kennt,
Wann i a Bisle Milah brä wend.

Und ofm Weg hab is probirt,
Er hot me grad of Ansbach gführt,
Und ha „da groaßa Dchso“ gmacht,
Worüber mancher schoa hot glacht.

A Johr isch schiar ägstanda noch,
Do habe d's ander zwega brocht,
„Der gute Rath“ zor Uberschrift,
Dean wohl köi andrer übertrifft.

Drzua hot bald a dritts oh ghbart,
 A Gschichtle, lang schoa d's Drucka wearth,
 Des mancher guate Froib wohl kennt,
 Sobald ma „d' Varioliben“ nennt.

„Die sonderbare Brautbitt“ drauf
 Nimm i in meim Schreibbüchle auf.
 Und wear hot dia Gedichtla ghbart,
 Dear sagt, sie wäre d's Drucka wearth.

Und moine glei, des wär net gscheit,
 's kommt wärle doch am End so weit.
 A Redaktör nimmts froible a,
 So daß mes druckt bald lesa fa.

Und weil oh d's Zahla guat hot glangt,
 So habe schiar a Bisle prangt,
 Und oh noch meahner Geld no tracht:
 Drum manchs Gedicht d'rzua no gmacht.

Doch gots iaz nimme, wiane moi,
 Denn „d's Bettelbüchle“ nor alloi
 Von älla no druckt woora ischt,
 Und des earscht no noch langer Frischt.

Und warte glei Johr ei, Johr aus,
 Es kommt halt weiters fois meah raus,
 Und wiane d'rnoch froga thua,
 Noh schickt ma mers so wieder zua,

Und sagt: „Es könnt' iaz nimme sei,
„Es hüäpset söschd ihr Blättle ei:
„Denn so, wie do d'r Kießer redt,
„B'rstots ja köi Berliner net.“

Und weile des net ändra fā,
So nimmes halb gedulding ā,
Und denf, es git wohl mit d'r Zeit
Zom Drucka doch no Glegenheit.

Doch weil se dia net zoiga will,
Und i so schwerle käam zom Ziel,
So folget geara i deam Roth,
Wo mancher Froib schoa geba hot,

Und gäbs auf oigne Rechnung raus,
B'rkofets oh im oigna Haus,
Wann i nor so viel Kosleut fänd,
Daf i doch d's Drucka zahla könnt.

Drum wärs m'r halt ganz liab und recht,
Wann ieder, bear ses kosa möcht,
Mir des recht bald oh zoiget ā,
Damit me d'rnoch richda fā.

Sobalbs noh aber so viel find,
Daf i d'rbei mei Rechnung find,
Und Druckerfosta zahla fā,
Nocht got oh gwiß glei ds Drucka nā.

Es wurd a Büächle zwor nor kloī,
 Doch täuschme schwerle, wanne moi,
 's macht manchem doch a groaßa Fred,
 Söschd läästes wärle brucka net.

Jaz aber, denke, frogt ma wohl,
 Was nochd des Büächle kosta soll?
 Drauf sage: i hab oft schoa ghöart
 Zwea Kreuzer wär d's Gebichle wearth.


Sieb'zehna aber wääres sei,
 Doch zwoie gibe geara brei,
 Und moi drom, wear ses kosa will,
 Deam sind dreißg Kreuzer gwiß net z'viel.

Und zmol earscht, wannes no d'rza
 Glei schää einbinda lossa thua,
 So daß sei Büächle iedermā
 Sobald's kriagt oh lesa fā.

Des thoile mit bear schöana Pitt
 Jaz älla meina Froida mit:
 Es nimm a ieder, wo ner fa,
 Doch Subscibenta für me ā!

Nörblingen, den 28. Nov. 1861.

Joh. Rahn.



Der große Ochs.

Im Wirthshaus z' Dörfling bin amol
I bei da Baura gwesa,
Dia hont se unterhalta guat,
Doch wärle net mit lesa.

Denn d'Karta find ihr liabstes Buach,
Des leses ohne nöatha,
Oft siht d'r Pfarrer oh drbei,
Thuat mit a weng laweata.

Doch sellmols sind sia gar vergnüagt,
 Theant eifring dischgarira,
 Und i sitz do, und hör so zua,
 Des thuat sia net schenira.

Do redes halt von allerloi,
 Von guat' und bösa Sacha,
 Und huir git's wider Noara gnuag,
 Do loßt se alles macha.

Nor Polezeistund ischt'n z'balb,
 Des können net v'rschnaufa,
 A Bauer, moines, fa doch oh
 So viel wie d'Heara saufa.

Doch oiner sagt: „D loß halt sei,
 Des loß i mi net quäla,
 Da Heara wurd doch ebba „oh
 Was os hont manchmol fehla.

Mi freat nor mei Dchsa iaz,
Do kâ mi nex betrüabâ,
Dia sind doch wârle fascht so groaß
Wia do d'r Muibaur dübâ."

Do stot d'r Muibaur auf und sagt:
„Ei lüag und fürcht'r Sündâ;
„An gröaß'ra Dchso no, als mi,
„Kast auf der Welt net finda.

Der gute Rath.

„O Mâ stand auf und schlag a Riacht,
 „Mir isch gar fürchte weah,
 „O könnt' i doch nor oimol nô
 „Dia liaba Sonna seah!“

So jomert d's Nachts im Bett a Weib,
 Und daß d'r Mâ oh hõart,
 Stoßt sia a weng an d'Betschet na,
 Es ischt d'r Müah schoa wearth.

Der Mā v'rschriekt, stot woidle auf,
 Und fangt zum Schlaga nā,
 Doch wear halt lang koi Liacht net kriagt,
 Des ischt mei liab'r Mā.

Und d's Weib, dia jomert allweil furt,
 Und amatirt und schreit:
 „O Mā so schick de doch, i stirb
 „Boar lauter Bangigkeit.“

Der Mā schlächt eifringer drauf zua,
 Und setzft: „o Bündel fang!“
 Und weilr halt koi Liacht net kriagt,
 So wurds'm selber bang.

„O Mā so schick de doch!“ sagt ds Weib
 „O wie isch mir so weah.
 „O Mā i stirb, o mach a Liacht,
 „I stirb no, du wursch seah.“

„Ja,“ sagt d'r Mā, „i kriag halt fois,
I schlag bald rechts, bald links,
„Drum wann'd iaz moischt, 's muafß
gstorba sei,
„So stirb halt bledsrlings.“

Die Varioliden.

In òserm Dörfle isch d'r Brauch,
Wanns ebbes wichtings git,
Nocht wäaret Gmoïdsleut zsammabstellt
Am Obed unter d'Schmid.

Des ischt m'r oft a groaßa Fred,
Do hõar i geara zua,
Und loß mein Hamer und mei Fuir
D'rweil in guat'r Ruah.

Denn des ischt schöa, wann alle went
 Recht fluag sei und recht gscheit,
 Doch dear für fluag und gscheit nor gilt,
 Wo tüchting lärmt und schreit.

Doch gar net selta kommts oh für,
 Daß Gmoib versamm'lt ischt,
 Und still und stumm stonts alle do,
 's woißt kainer hott und wischt.

So kommt amol vom Herrschaftsgricht
 A wichtings Schreiba nâ,
 Des lest d'r Ortsv'rsteher für,
 So gut'r lesa kâ.

Er buschtawirt und stottert raus,
 Denn d's lesa got net gschwind,
 Daß d'Variolida z' Neres drob
 Nlängst ausbrocha sind.

D'r Ortsv'rsteher soll des Ding
 Fürlesä ied'rma,
 Und wann'r ebbes hōara sott,
 Bei Gericht glei zoiga „a.“

Und iaz stonts do und bsinna se,
 Weil koir dia Dinger kennt,
 Wo mir nex, dir nex z' Neres brob
 Jaz zmol rausbrocha find.

Do sagt d'r Pfleger von der Gmoib,
 „Des wāaret Zūchtling sei,
 I glob, mi kennts an ihrem Hās,
 Dia fangt ma wid'r ei.“

Drum wamma halt oin losa sicht,
 Wo bsonder kloidet ischt,
 Dean zoigt d'r Ortsv'rsteher ā,
 Damit man glei verdwischt.“

Und iaz ischt Gmoibsv'rsammlung aus,
I lach für mi ins ghoim,
Und zfrieda gont dia and'r Leut
Ins Wirthshaus od'r hoim.

Drum sott dia fremda Wöart'r halt
D's Gricht lossa „ausm Spiel,
Wanns net gar oft a so wie do
Verstanda wäara will.

Die sonderbare Brautbitte.

A Brautpaar kommt zum Pfarrer nei,
Sie mächta copuliret sei.
Ja, sagt d'r Pfarrer, des ischt recht,
Denn wärle d's Heuricha ischt net schlecht.

Denn d' Gah, dia ischt von Gott eigsetzt,
Und wear sia äschtamirt und schäkt,
Und âfangt mit'm guata Sinn,
Dear hot viel Glück und Sega drin.

Und was könnt no wol besser sei,
 Als wamma hot a Weible sei,
 Dia fleißing ischt und brav und guat
 Und alles gschickt und eifring thuat.

Und ischt d'r Mā oh, wia ses gheart,
 Und hält sei Weible liab und wearth,
 Noch möchte ebbes Schöners seah,
 Als d's Leba in 'r sotta „Gah.

Drum wann dr went recht glückling sei,
 So merkets wohl und globets sei,
 Daß dear viel Glück und Sega hot,
 Wo treu of Gottes Wega got.“

Und d'Bräut ischt von dear schöana Reb
 So grüht, daß beinoh grena hätt,
 Doch guckts da Pfarrer sehnle â,
 „Was willst nöh?“ sagt'r, „no, sag â!“

Herr Pfarrer, haltes m'rs halt z'guat,
 I ha's zum saga fascht net Muath,
 Doch hätte halt a Bittle noh,
 I woiß, wanns sei ka, theant ses oh.

Do mia ma leßcht begraba hot
 D'Fro Pfarr're seling, tröast sia Gott!
 Do gfällts mer halt gar feidle guat,
 Daß „weiland Fro“ mäs hoißa thuat.

Drum sek'es halt, i bitt gar schöa,
 Und theants me drum net scheel äseah,
 Wann i verkündingt wära thua,
 Halt „weiland Jungfer“ oh drzua.

Das Bettelbüblein.

A Bettelbüable, nett und floi,
Von Gähding noh bei Wallerstoi,
Dean d's Bettla selber härt kommt â,
Dears aber wärle doch guat fâ.

Er ischt so still, macht net viel Woart,
Und alle Leut im ganza „Dart,
D sott deam Büable geara gent,
Wo sösch grad net vom Geba sind.

Drum ischt'r iaz oh öfters hia,
 Do macht'm d's Bettla net viel Müah,
 Und weil mam geara git und geit,
 So sind sm alle guate Leut.

Des Büable guckt in guatr Muah
 Amol da „andra Buaba zua,
 Dia eifring grad beim Spiela sind,
 Bia oir v'liert, d'r and'r gwint.

Und weilm oir zwea Letta git,
 So thuatr zlehscht no selber mit,
 Und zeigt oh, wia ma z' Eahring thuat
 Des Spiel da „andra Buaba guat.

Auf oimol fangtr z'greina „a,
 Und zlofa, was r lofa ka,
 Er sigt iaz, daß in d'Nacht nei got,
 Und daß r no nex bettelt hot.

„O!“ jomertr, „was habe gmacht,
 „I ha net denkt, daß schoa wurd Nacht,
 „Mei Muatr aber schlächt me toadt,
 „Wann i net hoim bring Mehl und Broad.“

Er rennt iaz no in manches Haus,
 Und mancher lacht des Büable aus,
 Und mancher wohl, bears grad so macht,
 Und net bedenkt, daß zletscht wurd Nacht.

Denn guck i so ins Leba nei
 So fällt mr oft des Büable ei,
 Deam Mancher wol oft no als Ma
 Gar guat verglichä wäara ka.

Und sag, ob dia net grad so sind,
 Die oft vrgessa Weib und Kind,
 Im Wirthshaus hocka alle Tag,
 Net froga, ob ses traga mag.

Und wanns d'rhoim an allem fehlt,
 An Brood und Mehl und Schmalz und
 Geld,
 Nocht sind ja d'Juda net gar z'weit,
 So deana got ma und v'rbleiht.

Und so v'rbleiht ma furt und furt
 Bis d's Güatle zletscht vergantet wurd,
 Und hots wia d's Bettelbüable gmacht,
 Und net bedenkt, daß zletscht wurd
 Nacht.

So maches Viele aufm Land,
 Doch in dr Stadt oh, wia bekannt,
 Me sigt nex, ischt für alles bled,
 Und alles reda got in Wed.

Do ischt manch groaßer, gschickter Bua,
 Got schoa m gsehta „Alter zua,

Und möcht schoa wäära bald a Mâ,
 Und selber ebbes fanga nâ.

Zom Gfella hot'r ganz guat togt,
 Und hot se treu und reble plogt,
 Doch hot'rs wia mei Büable gmacht,
 Und net bedenkt, daß zletscht wurd Nacht.

Denn wear se amol seha will,
 Und von dr Hoimet hot net viel,
 Dear därf sei Bisle Wuchaloah
 Net glei am Sonnting ganz vrthoa.

Saz möchtr geara Moistr sei,
 Und lüagt se in a Dörfle nei,
 Und bleit, so viel mâ saga kâ
 Sei Lebte wohl an arm'r Mâ.

Und finds net alle grad so dumm,
 So losa doch gar Viele rum,
 Sind wie mei Büable grad so weit,
 Und moina no, sia seia gscheit.

Zom Beispiel oiner, wo studirt,
 Und gwalte prangt und renomirt,
 Doch liaber hinterm Bierkrug sitzt,
 Als daß r bei da Büach'r schwißt.

Und wann ds Exame kommt drhear,
 Nocht seufzt ma, wanns vorbei nor wär,
 Und hot mas zletscht no glücke gmacht,
 So hätt's schier ghoißa gar got Nacht.

Und loß i alles des no sei,
 Mei Büable fällt mr doch oft ei,
 Gar viele denka ja net drä,
 Daß zletscht dia letschta Nacht bricht a.

Die Nacht, auf die der schönste Tag
Für Viele freile kommen mag;
Für Viele aber, nimms in Acht,
Kommt drauf die allerslängste Nacht.

Der Sonntagsseg.

„Gota Morga, Nochb'r! oh schoa auf?

„Du bischt ja vol Vergnüaga,

„I sig d'r8 an da „Dgâ „â,

„Und wâar me net betrüaga.

„Doch sag, worum d'r ds Hearz so lacht,

„Und was de so vergnüagt schoa macht

„In âller Früah am Sonnting?“

„„Ja““ sagt dr Nochb'r froidle drauf,

„„Drum bine bschenkt schoa woara

„„Mit alta Stief'l, no ganz guat,

„„Vom Hausknecht drin im Moahra,

„„Do hamere iaz Schlarba gmacht,
 „„Ganz schöa und guat, si do betracht,
 „„Dia kane lang no brauchä.

„„D'r Pfarrer, dear sagt freile wohl
 „„Me soll da Sonnting halta,
 „„Hätt' aber i deam Kneacht nex thō,
 „„Hätt' er sei Stief'l bhalta,
 „„Nocht hätt'e oh dia Schlarba net,
 „„Drum sag i, unt'r ôs do grebt,
 „„I loß dean Pfaffa schwäza.

„„Mei Kinder went am Sonnting grad
 „„Via in d'r Wucha d's Eßa,
 „„Drum moine derse d's Schaffa noh
 „„Am Sonnting net vrgessa.
 „„Und wanne ebbes schaffa kâ,
 „„Nocht sige da Brdeast nor â,
 „„Und frog nex noch'm Sonnting.“

„Des kâst du,“ sagt d'r and'r drauf,
 „Do habe nex d'rgega,
 „Doch ligts am Schaffa net aloi,
 „Es ligt halt oh am Segga,
 „Und weiln dear von Gott nor hot,
 „Wo ebbes hält auf sei Gebot,
 „So müaßa mrs oh halta.“

„„So! bißcht du oh a sotter Kerl,
 „„Und hältst mit òserm Pfaffa,
 „„Noch habe aber weiter net
 „„Mit dir no ebbes z'schaffa.
 „„I sag halt, wam'r ebbes fehlt,
 „„Nocht brauch zum kosa i a Geld,
 „„Do hilfst me nex d'r Segga.““

So sagt'r, und got nei ins Haus,
 Und löst sein Nochtb'r standa,

Dear schreit'm noch: „Ja glob des nor,
 „Dear Glob macht di no z'Schanda,
 „Du bist doch föscht a guat'r Mâ,
 „I wiß net, was de iaz kommt a
 „So böas und gottloas z'reda.

Im Haus drin aber muaf'm ds Weib
 Sei Sonntings-Stief'l holla,
 Er will in d'Kirch und hot'r glei
 Im Hearza drin an Grolla.

Ds Weib suachts, doch wurd'ér angst
 und bang,
 Sia findet d'Stief'l net gar lang,
 Und moit, sia sei'a gsthla.

Bletscht sucht ses in d'r Kamm'r daus,
 Do hot ses endle gfunda,
 Doch so, daß sia se, wie ses sicht,
 Boar Zomer fascht hot gwunda.

„O Ma! sagts, „schimpf du nor da
Pfarr,
„Du bischt und bleischt halt doch a Narr,
„Und bringscht me ans B'rderba.“

Und d's Weib, dia jomert net umföschet,
Sia hot viel trüabe Stunda,
Und iaz hots ganza no do draus
Dia alte Stief'l gfunde,
Und runt'rgschnita hot d'r Ma
Dia Schlarba, wo „er iaz hot a,
Von seina Sonntings-Stief'l.

Die guten Leser.

Des habe in d'r leßschta Zeit
Gar oft iaz ghöart und glesä,
Dia Leut sind nimme iaz so dumm,
Als wia sia söschd sind gwesa,
 Und wannes hör, des sage schoa,
 Do friege fascht'n Zoara,
 Und denf, von was auf oimol nor
 Dia Leut so gscheit sind woara.

Und gscheit sinds freile, sel ischt wohr,
Ja gscheit in älla Dinga,

Dia grad zo ihrem Voarth'l find

Und so viel Nuka bringa;

Und gscheit oh, wann des gscheit sei hoist,

Recht schimpfa üb'r d'Pfaffa,

Und thoa da Demokrata noch,

Als wie dia rechta „Affa.

Wear aber föscht oh öser Leut

No bsonders gscheit will nenna,

Dear muaß ihr Wesa und ihr Thoa

Doch wärle gar net kenna.

Dear ischt, wann d' Gmoid versam-
melt ischt,

Oh nia d'rbei no gwesa,

Und hot ihr reda no net ghört,

Und bsonders net ihr lesa.

Denn sel ischt wohr, des fönnes guat,

Doch muaß'mas selb'r hōara,

Und wames hõart, noh mõi ma schoa
 Me möcht fascht hupfet wäära,
 Wann oiner lest, und keiner wißt,
 Was denn iaz des ischt gwesa,
 Wo grad fürglesa woara ischt,
 Oh dear net, wos hot glesa.

So habes letscht earscht wider ghõart,
 Wo bei d'r Gmõid a Schreiba
 Von oim fürglesa woara ischt,
 Dear d' Bäckerei möcht' treiba.

Er bittet drin gar feindle schõa,
 Me möchtemß doch nor gönna,
 Weil er sei Kinderla doch oh
 Möcht voll „erziehen“ könna.

Mei Ortsvorsteher aber lest:
 Me möchtemß doch nor gönna,

Weil er sei Kinderla doch oh
 Möcht voll „erzeugen“ könne.

Und älla, bla do gwesa sind,
 Hot wohl dia Bittschrift gfalla,
 Doch d's falsche Lesa, des ischt oh
 Roim öizinga aufgfalla.

So ischt amol a gscheit'r Ma
 Zo mir in d'Schmid nei komma,
 Und frogt me earnstle, ob i schoa
 Dia Nochracht hätt vromma,
 Daß öser Köning gstorba ischt,
 Wo ischt so chrisstling gwesa,
 Des hätt'r grad beim Nuiwirth drum
 Faz in d'r Zeiting glesa.

Do gangi glei zom Nuiwirth num,
 Und was bear Ma hot glesa,

Des habe iaz erfahra gschwind,
Ist d's Missionsblatt gwesa,
Und zwor a „alta Nomer schoa,
Und dia fascht ganz vordorba,
Und do stot drin „der Köning ischt
Auf Otohaiti gstorba.

Drum moini öfer Leut sind iaz
Halt doch oh net viel gscheit'r,
Als socht, wo d' Lehrer oft sind gweßt
No Hirta „oder Schneid'r.

Drum wann dia gscheite Lehrer iaz
Es sollet ebbes fromma,
No muaf oh über alle — Leut,
An andrer Geischt no komma.

Der kleine Rosßdieb.

A Baurabüable, no ganz kloî,
 Ist zo seim Pfarrer komma,
 Will mit'm reda nor allôî

Und thuats oh ganz beklomma:

„Herr Pfarrer, i hab ebbes thô,

„Sia wäara me drum strosa,

„Doch muages saga, weile schoa

„Rä vierzeah Täg net schlofa,

„„No,““ sagt d'r Pfarrer froidle drauf,

„„So sag, was des ischt gwesa,

„Du bist socht brav und merkst recht auf,
Und fast schoa wacker lesa,
Drum moine, ’swurd so bäas net
sei,
Doch will de iaz gearst hōara,
Sag nor dia ganze Wohret sei,
Nocht wāarmer ferting wāara.“

„Herr Pfarrer ja, des thua ne schoa,
 „Wärs mir oh net befohla,
 „I ha, des bringt mer böösa Loa,
 „I ha' a Köpfe gstohta.
 „Wia böös i bi, des sehes do,
 „Doch muaß es ihna saga,
 „Und wanns me auf dr Stell iaß oh
 „Glei mit'm Steckfa schлага.“

Do guckt d'r Pfarrer hsonder drei,
Dear Bua a Köhle stehla,

Des kâ ja wârle schiar net sei,
Deam muaß wo anderscht fehla.

Er bsinnt se, was'r iaz doch wohl
Soll mit deam Bûable macha,
Und woißt kam, was'r saga soll,
Es ischtm fascht zom Lacha.

Nocht sagt'r: „„Ei du kloiner Strol,
„„Wia kâst de so v'rirra
„„Ha gmoit, du könntest net amol,
„„A Roß zum Sauſa fûahra;
„„Und iaz bischt du schoa gar so weit
„„Und hoscht a Rößle gstohla?
„„Woischdt du denn net, daß sotte Leut
„„D'r böase Feid thuat holla?““

„Herr Pfarrer ja, des woisse wohl,
„Des thuat me ja oh quâla;

„I wiß oh, daß ma neama soll

„Nex nemma oder stehla.

„Drum daße d's Rößle gstohla hã

„Kã i schiar net begreifa,

„Doch isch a fotts nor, wo ma kã

„So schõa am Schwänzle pfeifa.“

Der sonderliche Flucher.

Bei òs, wo alles luthrisch ischt,
 Und im v'rgangna Somer,
 Viel Knecht zum Militär hont gemüast
 Zo ihr'm groaßa Som'r,
 Do hot a Bäure dingt 'n Knecht,
 Zwor dumm, doch wohl z'r Arbet recht,
 Ka_ner o glei nex leja,
 Dear ischt katholis^{ch} gwesa.

Doch ischt'r mit da _nandra Knecht,
 Gar guat bekannt bald woara,

Denn um da Globa hot'r se,
So globi, net viel gſchoara.

Nor d's Eſſa hot'm prächtig gſchmeckt,
Und wann'm d's Trinka hot net fleckt,
Und ſes net traut z'verlanga,
Iſcht er in d's Wirthshaus ganga.

Und wias im Wirthshaus halt ſo got,
Me treibt oft dumma Sacha,
Frogt net, obs guat iſcht oder ſchlecht,
Iſch ebbes nor zom Lacha,
So hot ma mit deam Knecht oft glacht,
Und allerloi Dummheita gmacht,
Und dumma Gſpäßla triba,
So lang 'r do iſcht blieba.

So habe ſelber oh amol
Mit agſeah grad des Weſa,

Bin aber iaz im Wirthshaus do,
 Nor weile gmüäst ha, gweßa:

„Denn gang ma net ins Wirthshaus nei,
 „Me büäset ja sei Kundschaft ei,
 Des käßt oft saga hära,
 Und got doch so recht geara.

Do sißet meahner junge Burscht,
 Und oh mei Franzseph drunter,
 Mir gega „über an'm Tisch,
 Und sind vergnüagt und munter;
 Ausglossa aber sind's heüt net,
 Hont still nor mitm Franzseph grebt,
 Und möchta geara wissa,
 Was er hot beichta müässa.

Guatmüathing sagt dear: „S thua mi
 „Mit Beichta net viel ploga,

„Ï moi, i wäär schoa wia ne bin
 „Guat in da Himel toga,
 Doch weil ma amol beichta soll,
 „So beichte äll Johr oh amol
 „Ï brauch foi Sündä z'suacha,
 „Ï beicht nor: i thua fluacha.“

„„Ja““ sagt a „andr'r Burscht iaz drauf,
 „„Worum thuast denn noch fluacha,
 „„Des thäte halt an deiner Stell
 „„Doch oh z'vermeida suacha.
 „„Ï moi halt doch, es ischt net guat,
 „„Wann oiner oft so fluacha thuat,
 „„Drum thät is liab'r meida,
 „„Und thät d'rgega streita.““

„Noi;“ sagtr drauf, „des thuane net,
 „Des könnt m'r Müah nor macha,

„I huar und stiehl net und thua soſcht

„Oh grad foi böäsa Sacha;

„Jaz wanne oh net fluacha thät,

„Und d's Johr amol doch beichta wött,

„Noh wüßt i ja foi Sündä

„Zum Beichta „amer z'finda.“

Der kleine Ehebrecher.

A Büable, not net sieba Johr,
A liaber Kerl mit blonda Hoor,
Und mit'm Gfichtle rond und fei,
Dear kommt amol in Beichtstuhl nei.

Und wia „er doftot mäuslestill,
So frogt d'r Hearle, was'r will,
Und redt'm liabreich froidle zua,
Sag nor, was fehlt d'r, liab'r Bua.

Und d's Büable sagt, mi drückt a Sünd,
 Und weil jes selber wissa went,
 So beichtes mit betrüablem Sîn,
 Daß i a „Ehebrecher bîn.

„Du!“ sagt d'r Pfarr, „ja liab'r Bua,
 „Sag doch, wia kommst du do d'rzua;
 „Do woiß i net, was dir fällt ei,
 „Du fäst koî Ehebrecher sei.“

„„Jo, Hearle, jo, des wasi red,
 „„Istt wärle wöhr, i läug'ns net,
 „„Und daß net recht istt, woisse schoa,
 „„Wills o mei Lebte nimme thoä.““

D'r Pfarrer frogtn weiter aus,
 Bringt aber net viel aus'm raus,
 Und weil'r doch so fluag net wurd,
 So schickt'r endle d's Büable furt,

Und gotm noch so bald'r fâ,
 Es liegtm selber ebbes drâ,
 Es ischtm um des Bûable loib,
 Und d'Muatr woist ja doch wohl Bschoid.

Doch dia ischt zearischt v'r'schrocka schiar,
 Sia schickt ihr Bûable furt noch Biar,
 Und bsinntse, wie des Ding wurd sei,
 Mit Lacha fällt's'r endle ei,

Und sagt: „O Hearle, 's hot foi Gfohr,
 „Was d's Bûable sagt, ischt freile wohr,
 „Doch höares nor dia Gschicht iaz a,
 „Denn i bin selber schulde dra.

„I ha letschthi a „Einfehr ghât,
 „Do hont os Weiber halt so gredt
 „Bon allem, wasma z'reda hot,
 „Und wias a „ieba grad v'r'stot.

„Und wamma redt so allerhand,
 „Nocht kommt ma zletscht oh no auf d'Wand,
 „Und wie dia so, dia des hot klagt,
 „Da habe zo d'r Sephe gsagt:

„Sia soll no geara zfrieda sei,
 „Got oh ihr Mâ ins Wirthshaus nei,
 „Wann er nor koi so schlechter Christ,
 „Und gar a „Ehebrecher ischt.

„Do kommt mei Buable zu mr nâ,
 „Nimmt mi beim Rock und guckt me â,
 „Und frogt me in d'r Still drbei,
 „Was denn a „Ehebrecher sei?

„Und weil'rs durchaus wissa will,
 „So sage zuem in d'r Still,
 „I ha net gschmolt und ha net glacht,
 „Des ischt oir, dear in d'Hosa
 macht.

„Iaz hot'r letschthi d's Bauchweah ghät;

„Und — meahner, Hearle, sage net.

„Sia wissa ja iaz selber wohl,

„Was d's Büables Beicht bedenta soll.“

Die Spinnerin.

Ich hab amol a Weible kennt,
Sia ischt von Zimmer gwesa,
Gar guat und fromm in ihrem Sinn,
Denn sie hot äll Tag glesä,
Ihr Morga- und ihr Nachtgebet,
Und hot nex böös und örechtsgrebt,
Und fleißing-gschafft und gsponna.

So hot se se oh viele Johr
Gar guat bei òs do drinna,

Wos viel und schäana Flachs oft git,
 Ihr Broad verbeat mit Spinna.

Denn gsponna hots so schöa und sei,
 Es hätt net feiner konna sei,
 Glei aus'm Pfoß zwölf Schneller.

Und hots oh föscht net gar viel kennt,
 So hat mas doch recht geara:
 Denn wann ois Ebbes nor recht ka,
 Nocht hält mas oh in Gahra.

Drum gots meim Kätherle net schlecht,
 Sia spinnt d'Wuch über viel und recht,
 Und got in d' Kirch am Sonting.

Do merk'ts recht auf, dr Pfarrer mag
 Din tröasta ober strofa;
 Nachts net wie dia, wo in d'r Kirch
 Oft grad am besta schlofa;

Doch mama von d'r Preding redt,
 Nocht woißt mei Rätherle meahner net,
 Als des „recht schöa isch gwesa.“

Denn d's Denka und d's Brzähla nocht,
 Des find grad net ihr Sacha,
 Obsonna thuats, was andre theant
 Gar geara drom nochmachä,
 Und wias amol zum Nachtmol got,
 Und wie dia andra betet hot,
 Wias zum Alter ischt ganga:

Do thuat se oh mei Rätherle,
 Was beta soll, net bsinna,
 Und betet aufm earschta Blat
 Im Gsangbuch voarna drinna,
 Mei Schwester guckt se grad so um,
 Do betets d's Privilegium,
 Als ständ des do zum Beta.

Do sagt mei Schwester in der Still,
Denn laut derfs ja net reda,
„Ja Rätherle, was denkst d'r denn,
Des ghöart ja net zum Beta!“

„„Was weiß iaz i,““ sagts, was e bet,
„„Drum sott ma halt des Dêng oh
net

„„Do rei ins Gfangbuach drucka.““

Der Kirchenschlaf.

I bin a Schmied, und 's dürscht me oft,
Und wanne durschting bin
Noh trinke oh mei halbe Bier
Manchmol im Wirthshaus drin;
Doch zom B'rgnüaga komme grad
Net viel ins Wirthshaus nei,
Und wanne nei komm, wills m'r oft
Koi rechta Fred net sei.

Denn sige so des Wesa nâ,
 Des Gschimpf und Gräsonier,
 Und was ma söschet im Wirthshaus treibt
 Und redt beim brauna Bier:

Do froge oft, ob oiner wohl,
 Wo do sei Fred hot dra,
 Und alle Tag im Wirthshaus hoßt,
 A rechter Christ sei ka.

Zwor moine net, daß ieder grad,
 Wo got ins Wirthshaus nei,
 Und drin sei Bier in Darning trinkt
 Scho_n müäst a nChrist sei,
 Hab i im Wirthshaus doch schoa oft
 A rechts Vergnüaga ghätt,
 Wanni mit guata Froide drin.
 Ha guata Sacha greßt.

So isch m'r oh a rechta Fred,
 Wann i an Wirth triff â,
 Mit deam ma „oh a chrishtlings Woart
 Im Earnst no reda ka.

I woiß ja, daß a sott'r Wirth
 Doch oh sein Rucka hot,
 Und daßm in d'r Kirch net so
 Wie seller Wirthes got.

Dia Wirthes aber, wo ne moi,
 Sia ischt net weit von hia,
 Des ischt a reicha Wittfro gweßt,
 Und git se alle Müah,

Daß alle Tag no reicher wurd,
 Und was'r Geld trägt ei,
 Des ischt'r liab und recht, und mags
 Glei wüascht und örecht sei.

Do kommt d'r Pfarrer oh amol
 Und sicht ihr Wirthschaft a,
 Er ischt carscht kurz a Zeit im Dart
 Und hot sein Gefalla dra,
 Sagt drum, dia schöana Wirthschaft sei
 Für sia wohl ebbes wearth,
 Wann sia nor drüber Gottes Woart
 Net gänzle überhöart.

Und d'Wirths moit, weils ällmol schiar,
 Wanns in der Kirch ischt, schloft,
 Daß sia mit deana Woarta iaz
 D'r Pfarrer drüber strost:
 Drum sagts: „Es git halt gar viel
 z'thoa,
 „Herr Pfarr, in oßerm Haus,
 „Und hätt i net da Kirchschlof,
 „I haltets gar net aus.“

Und obs der Pfarrer glei iaz mäht,
Sia soll des lossa fei,
So schlosts doch in d'r nächsta Kirch
Oh richting wider ei.

D'r Pfarrer sichts, er predingt grad:
„Ihr Sünder, wachet auf!“
Und schlägt d'rbei auf d'Kanzel nei,
Do wacht oh d'Wirths auf.

Dear aber isch, als obs drhoim
In ihrer Wirthsstub wär',
Und 's patſchet oiner mitm Kruag,
Und schreit drum: „Wo isch leer?“
Und alles in d'r ganza Kirch
Hot auf se guckt und glacht,
Und voarm Schlofa nimmt se se
Seitdem gar wohl in Acht.

Der resolvirte Wittwer.

In oßerm Dörfle ischt a Haus,
Des stot a Bisle neba daus.
Iischt d's schwaßt im Dart, a Gart d'rbei
An schöanra, sage, sigst net glei.

Soßcht hots'm alta Fräle ghöart,
Net reich, doch seling gstorba fearb,
Und iaz hots oir, i glob er ischt
A Rothshear oder gar Kanzlischt.

Dear hot jes kost zom Somerhaus,
 Und ischt gar geara bei òs draus,
 Er sucht se sei B'rgnūaga do,
 Und hot koi Kinder und koi Fro.

Doch hot'r, was oft in d'r Welt
 Für d' Hauptsach gilt, er hot viel Geld,
 Und wanner glei net gar z'viel kã,
 So ischt'r doch a gscheiter Ma.

Dear hält allweil im guata Stand
 Sei Haus und oh sei Gartaland,
 Schafft selber viel und lost viel thoa,
 Und git da Leuta guata Voah.

Zwoi Leutla aber sind im Haus,
 Dia wohna drin Johr ei, Johr aus,
 Weils doch a Bisle gfährle wär,
 Wann d's Haus oft do ständ fahaleer.

Des aber sind ganz b'sondre Leut,
 Hont Händel alle Tag und Streit,
 D'r Mâ plogt d's Weib, und d's Weib
 da Mâ,
 So viel ois d's ander ploga kâ.

Und doch ischt er bei iedermâ,
 Des kane saga, gar wol drâ,
 Weil er so geara Gspäßla macht
 Und über d's böase Weib nor lacht.

Letzschthi sagt oir: „No, Tone, red,
 Liab wärs d'r doch, wanns ganga thät.“
 „Noi wärle,“ sagt'r drauf mit Fred,
 „Liab wärs m'r, wammes traga thät.“

Und was'r so im Gspäß redt raus,
 Do ischt bald Earnst woara draus.

D'r Schlag trifft overmuthet d's Weib,
 Sia stirbt so gschwind fascht wia nes
 schreib.

Net viel betrüabt löst ers iaz wohl
 Begraba so, wias recht sei soll.
 Doch daß a Meß sott gleja sei,
 Des fälltm weiters gar net ei.

Wia ihm sei Hearle Voarmwürf macht,
 Do hot'r nor a Bisle glacht,
 Und gsagt: „Es ischt m'r net viel drum,
 „I weiß ja doch net recht worum?

„Denn isch im Himmel, braucht ses net,
 „Isch in d'r Höll', noh hilft ses net,
 „Isch aber iaz im Fegfuir drin,
 „So ischt, liabs Hearle, des mei Sinn:

„Wann sia in Himel komma soll,
„Nocht segs d'r Teufel grad so wol,
„Und grad so viel oh, wanns'm gfällt,
„Als sia mi gsegt hot in d'r Welt.

„Und kommts zletscht in da Himel so,
„Und i komm in da Himel oh,
„Nocht, denke doch, wurd's anderscht sei, —
„Goscht möchte net in Himel nei. —

Die Besenhändler.

„In ösrer Zeit, do ischt mā doch
 In allem weiter komma,“
 Des ischt a gmoina Red, dia „i
 Schoa gar oft ha v'rnomma;
 Doch fällt m'r, wannes hōar oft eî,
 Es deßt um viel nō besser sei,
 Bis wār, wias soſcht ischt gwesa.

Denn figs nor â, wie schōa und guat
 Sind oft dia alta Sacha,

Jaz richt ma alles nor ins Gsicht,
Und wills recht wolfel macha.

Und wann a Sach nor wolfel ischt,
Nocht kosts d'r Jud als wia d'r Christ,
Do handelt alles geara.

Drum isch m'r, wanne in der Meß
Schoa manchmol so ha glesä,
Wie alles gar so wolfel ischt
Oft schier zum Lacha gwesa,
Me moit ja wärle, 's kã net sei,
Und geara fällt dia Gschicht oim ei
Von fella Besahändler.

Dia hont a mol ihr Besa foil
Anander gegauüber,
Und was bear düba redt und sagt,
Des höart d'r ander rüber,

Und wann dear Besa, schöa und guat,
 Oh no so wolfel geba thuat,
 So gits d'r ander wölfler.

Und wia mit seina Besa drum
 Dear gschwind ischt ferting woara,
 Und iaz zom andra nüber got,
 So sagt dear schiar im Zoara:
 „Du hoscht so schöane Besa ghätt,
 Wia fast dus, des v'rstande net,
 „Doch gar so wolfel geba.“

„I ha zo meina Besa doch,
 „Des sage överhola,
 „Koi oizings Rüathle Ries net kost,
 „Und ha m'r ällas gsthla.
 „Doch bis es hol, und d'Besa mach,
 „Des braucht doch wärle oh sei Sach,
 „Do ka nis net so geba.“

„Und i kâ's wohl," sagt bear iaz drauf,
„Und will d'r nor oh saga
„Worum is kâ, du thuast me doch,
„Des merke, net v'rflaga,
„I bin wie du halt net so dumm,
„Und loss earscht noch'm Ries lang rum,
„I stiel dia gmachta Besa."

Der große Jammer.

Du, Nothbare, iaz hõar amol,
Und loß dr's nor v'rähla,
Was mir a groaßa Angst iaz macht,
Und Tag und Nacht thuat quäla,
I ka mein groaßa Jomer iaz
Moi fascht nimme traga,
Drum sage, dir, du hilffscht m'r doch,
Des wiße, helfa traga.

Wie letschthi dia vier Mand sind gwählt
 Zom Kirchavoarstand woara,
 Do host du gmoit, weil Meir nex sei,
 I hätt a weng an Zoara;
 Jaz wie dia Biar net gnuag sind
 gweßt,
 — Und des ischt glei drauf komma —
 Do hot ma Mein als festa no
 Zom Kirchavoarstand gnomma.

Bearscht isch m'r schoa a rechta Fred,
 Des muasse sage, gweßa;
 Doch wiane auf'm Zedel iaz
 Ha dia B'roarning glesä,
 Daß noch drui Johr d'r halb Thoil muasß
 Von deana Mand austreta,
 Do rechne so und ha voar Angst
 Afganga schiar zom beta.

Denn wanne d's Rechna glei net kã
 Und muaß me oft recht bfinna;
 So habe richting doch im Kopf
 So viel ausrechna konna,
 Daß, wamma d'Hälfte nimmt von fêf,
 Zwea und a halber bleiba —
 Des wiße gwiß und kane glei
 Roi Zahl auf d'Tafel schreiba.

Jaz denf d'r nor des Unglück noch,
 Wo über mi muaß komma,
 Wann noch drui kurza Jährla wurd
 A nuia Wahl fürgnomma,
 Do muaß ma, tritt d'r halb Theil
 aus,
 Da Fêsta ja v'rthoila,
 Und wear kã mir mein liaba Mã
 Noch wider zsammahoila.

D wann nor dear nia gwesa wär,
Wo d'Leut a so fa quäla,
Besiehl't, es soll d'r halb Thoil raus,
Und loßt seî Mand doch wähla!

Deam gots sei Lebte nimme guat,
Wann dear muafß alles büaßa,
Was i nor iaz schoa leida muafß,
Und no wäar leida müaßa!

Die Blattern.

I bin bekannt seit viela Johra
In Nearle drinna in'm Haus,
Es ischt a wackara Famile,
Dia guat mit iedermâ kommt aus;
Drum muafze saga, feahr i geara,
Bei deana Leutla manchmol eî,
Und moine glei, es kônnst bei ihna
Gar manches wohl no besser sei.

D'r Vater ischt a so a Mändle,
 Er treibt sei Geschäft, ischt fromm und
 still,

D'rbei doch fescht und ganz entschieda
 Bei allem, was'r haba will.

Und d'Muater ischt a wack'rs Weible,
 Dia geara schafft und geara redt,
 Und nebabei oh viel thuat sorga,
 Ob wol ses gar net nöathing hätt.

Denn nor zwoi Kinder honts, guat grotha,
 Es ischt a Tochter und a Soh,
 Und d's Geschäft got guat, und wia dia's
 treiba,

Honts oh an guata Gwi d'rvo.

Denn sia theant fleißing zammahelfa,
 Me braucht koin fremda Menscha net,
 Und so sind sia v'rgnügt und zfrieda,
 Wanns nor allweil so bleiba thät.

Doch wie die Zeit kommt, was d'r Muat'r,
 Wann sie nor drã denkt, angst schoa wurd,
 Do muas d'r Soh̃ nach d's Vaters Willa
 In d'Fremd und von d'r Heimeth furt,
 Und nimmt'r Abschied glei mit greina,
 Er tritt sei Nois doch freiding ã,
 Und darf zum Anfang net weit losa,
 Denn furt gots mit d'r Eisebah.

Und ohne, daß'r müad wär woara -
 Kommt er of Nüraberg gschwind neĩ,
 Wo ihn, es thuatm ganz guat gfalla,
 Gleii stellt a braver Moist'r eĩ.

Doch d'Fred ischt kurz und noch zwea
 Taga,
 Do isch meim Frik halt gar net wohl,
 Er wurd am ganza Leib vol Bizel,
 Und woist net, was des wäara soll.

D'r Moischt'r lößt da Dokt'r komma,
 Dear sagt, do wäaret Blottra draus:
 Drum derf'r se o gar net bsinna
 Und muafß glei furt ins Krankahaus.

Jaz wie d'r Soh des hoim hot gschriebe,
 Do got a groafß'r Fomer â,
 Und alles ischt vol Angscht und Sörga,
 Doch aber d'Muat'r voarna drâ.

Sia moit ihr liab'r Fritß könnt sterba,
 Und könnt wohl gar schoa gstorba sei,
 Drum sagts: „Des kane net v'rtraga,
 Und morga gange zu 'm nei.“

Doch wias am andra Tag will ganga,
 Kommt grad a Briefle^a vom Soh,
 Und wie dear göffnet ischt und glesâ,
 Do fliega d'Sörga äll d'rvo.

D'r Friß schreibt ganz v'rgnügt und
munter,

Ischt gsod und hot koî Blottra net,
Denn d'Bizel, dia's hont wääara solla,
Dia hont'm — d'Wanza bissa ghät.

Und iaz ischt alles vol V'rgnügen,
Me hot zletscht schiar no drüber glacht,
Daß oim floî wuderwinzing Wanza
Hont mächtig groaße Sörga gmacht.

Sorget nicht!

D's Landleba ischt doch ebbes Prächtings!
Woit mancher gscheite Städter wohl,
Und mancher Bauer muäße bsinna,
Was er do Schöas drä haba soll.

Ich bin a so d'rzwischa drinna,
Es fret me d's Leba auf'm Land,
Doch bine in d'r Stadt oh geara,
Und drin mit viala Leut bekannt.

Und net bekannt aloi, gar mancher,
 Dears treu mit Gott und Menscha moit
 Und d'Welt wohl kennt mit ihrem Wesa
 Ischt mir, i woiß, a treuer Froib.

Drum gange d's Obeds oft ge Nearle,
 Bin i vom Schaffa glei recht müad,
 Und thuas im Frühling bsonders geara,
 Wann alles wider great und blüahet.

Wann of da Felber d'Hercha singa,
 Und d'Wachtel voller Freda schlächt,
 Als obs zum Danke und zum Loba
 Oh bean, wo's hõart, ermuntra möcht.

Und des thuat jeder gwiß von Hearza,
 Dear woißt und wißsa ka als Chrischt,
 Daß dear, wo alles macht lebendig,
 Oh gnäding und barmherzing ischt.

Drum lāne ganz v'rgnüagt oft wāara,
 Denn wanne alles des betracht,
 So muafß ja doch wohl vom'r weicha,
 Was d's Hearz betrüabt und trauring
 macht.

Und so in Gott vergnüagt und zfrieda
 Bin i wohl manchmol besser dra,
 Als oir, dear bei viel Geld und Güater,
 Kōi fott's V'rgnüaga haba ka.

Denn des ischt ja kōi leers V'rgnüaga,
 Es git dean frischā, froha Muath,
 Bei dem ma „oh im Kreuz und Leida
 No fest auf Gott vertraua thuat.

Und wann se oiner drum im Leba
 Oft gar so viele Sörga macht,

So moine halt, dear muaß net wissa,
 Daß Gott im Himmel sorgt und wacht.

Denn dear, wo Blüamle prächting kloidet,
 Da Bögala ihr Fuat'r git,
 Thoilt doch da Menscha gwieß oh geara,
 Was sia zom Leba brauch'a, mit.

„Ja,“ fã do oiner wohl drauf saga,
 „Für sotta Sacha Sorge net;
 „Denn d's Gssa habe doch und Kloider,
 „Gott Lob und Dank! no allweil ghätt.

„Doch manne iaz in öfra Zeita
 „Oft Sacha höara muaß und seah,
 „Wos ein im ganza Leib möcht gremma
 „Vom Kopf bis in da kloina Zeah;

„Do komma m'r wohl manchmol Sörga,
 „I fürch, a nuier Sturm bricht loas —
 „Denn Demokrata sind net gstorba,
 „Und nocht earscht wur d'r Jammer groaß.“

Und des ischt wohr, i fâs net läugna,
 Es got m'r selber oft schiar so,
 Doch denke, wamer d'Sörga komma,
 Es lebt d'r alte Gott doch no.

Und dear ischt treu! — So fâs nie
 ganga


Mit deam, was Er v'rsprocha hot,
 Bias manch'm heilinga Versprecha
 In ôfra trüaba Zeita got.


Und dear ischt treu — drum fâs nie
 fehla,
 Wear an seim Woart von Hearza hält,

Deam fa sei Glück doch nia ganz stöara
Des Thoa und Treiba in d'r Welt.


Drum will i fest auf dean v'rtraua,
Dear nia, wia d'Menscha gloga hot,
Und älla Leuta möchte saga:
Traut net auf Menscha, traut auf Gott!

Am 4. März 1851.









C. G. Bed'sche Buchdruckerei in Wiedingen.